

Наманган шаҳар ҳокимининг  
«07» 06 2017 йилдаги  
1019-сонли қарори билан

РУЙХАТГА ОЛИНГАН

Ўзбекистон Республикаси «  
Олий ва ўрта махсус таълим вазирлигининг  
«7» 06 2017 йилдаги  
539 сонли буйруғи билан

ТАСДИҚЛАНГАН



**Ўзбекистон Республикаси**  
**Олий ва ўрта махсус таълим вазирлиги**

**Наманган муҳандислик-қурилиш институти**  
**УСТАВИ**

НАМАНГАН – 2017

## **I Умумий қоидалар.**

1. Наманган муҳандислик-қурилиш институти (кейинги ўринларда матнда НамМҚИ деб юритилади). Ўзбекистон Президенти ҳузуридаги Вазирлар Маҳкамасининг 1991 йил 29 март 75-сонли қарори билан Тошкент машинасозлик институтининг Наманган филиали асосида ташкил қилинган Наманган саноат-технология институти Ўзбекистон Республикаси Вазирлар Маҳкамасининг 1998 йил 24 феврал 77-сонли “Академик лицейлар ва касб-хунар коллежларини ташкил этиш ва улар фаолиятини бошқариш тўғрисида”ги қорига асосан Наманган муҳандислик-педагогика институтига айлантирилган ва Олий ва ўрта махсус таълим вазирлигининг ташкилий тузилмасига киритилган.

Ўзбекистон Республикаси Президентининг 2017 йил 20 апрелдаги “Олий таълим тизимини янада ривожлантириш чора-чора тадбирлари тўғрисида” ги 2909-сон қарорига асосан Наманган муҳандислик-қурилиш институтига айлантириш ва унинг ихтисослашувини ўзгартириш белгиланган бўлиб, Ўзбекистон Республикаси Вазирлар Маҳкамасининг 2017 йил 25 июлдаги “Наманган муҳандислик-қурилиш институти фаолиятини ташкил этиш тўғрисида” ги 540-сон қарорига асосан Наманган муҳандислик-қурилиш институти фаолиятини олиб боради.

2. Наманган муҳандислик-қурилиш институти давлат олий таълим муассасаси ҳисобланиб, олий таълимнинг асосий ва кўшимча таълим профессионал Дастурларини бажариш бўйича таълим фаолияти билан шуғулланади, шунингдек, Ўзбекистон Республикасининг қонун ҳужжатларига мувофиқ ҳолда ўқув-педагогик, шунингдек бошқа фаолиятни амалга оширади ҳамда таълим хизматларини кўрсатади.

3. Наманган муҳандислик-қурилиш институти ўз фаолиятида Ўзбекистон Республикаси Конституцияси, “Таълим тўғрисида”ги Қонуни, Кадрлар тайёрлаш миллий дастури, Олий мажлис палаталарининг қарорлари, Ўзбекистон Республикаси Президенти Фармонлари, қарорлари ва фармойишлари, Вазирлар Маҳкамасининг қарорлари ва фармойишлари, Олий ва ўрта махсус таълим вазирлигининг норматив-ҳуқуқий ҳужжатлари ва мазкур Уставга амал қилади.

4. Наманган муҳандислик-қурилиш институти юридик шахс ҳисобланади. Оператив бошқарувида ўзига хос махсус мол-мулкка эга бўлиб, ушбу мол-мулк бўйича ўз мажбуриятларига мувофиқ жавоб беради, ўз номидан мол-мулк сотиб олиши ва мулкий ҳамда номулкий ҳуқуқларини амалга оширилиши, зиммасига мажбурият олиши, судда даъвогар ва жавобгар бўлиши мумкин.

Мустақил балансга, банк муассасаларида ҳисоб-китоб ва бошқа, шу жумладан валюта бўйича ҳисоб рақамларига, Ўзбекистон Республикаси

давлат гербининг тасвири туширилган ва ўз номи ёзилган муҳрга, штамплар ва бошқа реквизитларга эга.

Наманган муҳандислик-қурилиш институти жойлашган манзил: Наманган шаҳри, Ислон Каримов кўчаси, 12-уй, солиқ **кодекси:160103**, Вазирлик: Ўзбекистон Республикаси Олий ва ўрта махсус таълим вазирлиги, Халқ хўжалиги соҳаси: Таълим, Телефон:(369)234-15-23, Институтга хизмат кўрсатувчи банк “Ипак йўли банк”нинг Наманган филиали ҳисобланади. Институтнинг шахсий ҳисоб-рақамлари Ўзбекистон Республикаси Молия вазирлигининг Ғазначилигида туради, Бюджет шахсий ҳисоб рақами-100010860144017094100079003, Бюджет ҳисобининг Грант шахсий ҳисоб рақами-10001086014417097300079002, Бюджет ҳисобининг инновация гранти шахсий ҳисоб рақам10001086144017097400221004, Тўлов-контракт шахсий ҳисоб рақами-400910860144017950100079001, Бюджетдан ташқари ривожлантириш жамғармаси шахсий ҳисоб рақами-400110860144017950100079001, Бюджетдан ташқари пенсия жамғармаси шахсий ҳисоб рақами-400210860144017950100079081, МФО:00014, ИНН:200055757, ОКОНХ:92110

Наманган муҳандислик-қурилиш институтининг ўзбек, рус ва инглиз тилларидаги расмий тўлик (қисқа) номи:

Наманган муҳандислик-қурилиш институти (НамМҚИ)

Наманганский инженерно-строительный институт (НамИСИ)

Namangan engineering-building institute

## **II Олий таълим муассасасининг асосий вазифалари**

5. Наманган муҳандислик-қурилиш институтининг асосий вазифалари қуйидагилардан иборат:

- Шахснинг интеллектуал, маданий ва маънавий-ахлоқий камол топишига бўлган эҳтиёжларини олий таълим ва олий таълимдан кейинги таълим олиш орқали эришишни қондириш;

- Ҳар томонлама ривожланган ва содиқ шахсни, мустақил давлат фуқаросини, ўз Ватани фидойиси, халқ, жамият ва оила олдидаги ўз масъулиятини ҳис қилувчи, миллий ва умуминсоний қадриятларни ҳурмат қилувчи, халқ анъаналарини бойитувчи ва мустаҳкамловчи, Ватанимиз келажаги учун виждонан ва ҳалол меҳнат қилувчи этиб шакллантириш;

- Илмий-педагогик ходимлар ва таълим олувчиларнинг тадқиқотлари ва ижодий фаолиятлари орқали фанни тараққий эттириш, олинган натижалардан таълим жараёнида фойдаланиш;

- Иқтисодийнинг мувофиқ соҳалардаги олий маълумотли мутахассислар ва илмий-педагогик кадрларни қайта тайёрлаш ва малакасини ошириш;

- Жамиятнинг ахлоқий, маданий ва илмий қадриятларини сақлаш ва бойитиш;

- Аҳоли ўртасида билимларни тарқатиш, унинг маънавий-маърифий ва маданий даражасини кўтариш;

## **II Ўқув- тарбиявий ва илмий-методик ишларнинг субъектлари, уларнинг ҳуқуқ ва мажбуриятлари.**

### **а) Талабалар:**

6. Наманган муҳандислик-қурилиш институти ректорининг буйруғи билан ўқишга қабул қилинган шахс Наманган муҳандислик-қурилиш институтининг талабаси ҳисобланади. Талабага талабалик гувоҳномаси ҳамда рейтинг дафтарчаси берилади.

Наманган муҳандислик-қурилиш институтига қонунчиликда белгиланган тартибда умумий ўрта, ўрта махсус, касб-хунар маълумотга эга бўлган шахслар аризаларига биноан талабаликка қабул қилиш Ўзбекистон Республикаси олий таълим муассасаларига қабул қилиш тартиб ва қоидаларига мувофиқ Ўзбекистон Республикаси таълим муассасаларига қабул қилиш бўйича Давлат комиссияси томонидан тест синовлари натижаларига кўра тўпланган балларнинг рейтинг тизими бўйича амалга оширилади.

Олий таълим муассасаларига қабул барча учун (ҳам грантлар ҳам тўлов-контракт бўйича) тенг ҳуқуқлилиқ, ягона қабул қоидалари ва ягона танлов асосида амалга оширилиб, тест синовларида энг юқори балл тўпланган абитуриентларнинг давлат грантлари бўйича биринчи навбатда қабул қилиниш ҳуқуқи таъминланади. Қолган абитуриентлар тест баллари рейтинги асосида белгиланган тўлов-контракт квоталари доирасида қабул қилиш ҳуқуқига эгадирлар. Қонунчиликка мувофиқ тест синовларисиз муайян имтиёз асосида ҳам ўқишга қабул қилиш кафолатланади.

7. Наманган муҳандислик-қурилиш институтининг талабалари қуйидаги ҳуқуқларга эга:

- фан, техника ва замонавий технологиялар ютуқларига мос келувчи билимлар олиш;

- олий таълим муассасаси ахборот ресурс марказида мавжуд бўлган китоблар, даврий нашрлар, электрон таълим воситаларидан белгиланган тартибда бепул фойдаланиш;

- бепул маслаҳатлар ва йўл-йўриқлар олиш;

- аудиториялар, таълим жараёнига оид воситалардан ўрнатилган тартибда бепул фойдаланиш;

- таълим жараёни самарадорлиги ва таълим сифатини ошириш юзасидан ўз таклиф- мулоҳазаларини, танқидий фикрларини белгиланган тартибда таълим муассасаси, деканат ва кафедра раҳбариятига билдиришга ва уларни кўриб чиқишини талаб қилиш;

- олий таълим муассасаси ва факультет миқёсида ўтказиладиган оммавий тадбирларда иштирок этиш;

- илмий тадқиқот ишларида ва илмий конференцияларда қатнашишга ва уларнинг натижаларини нашр этишга ва бу ҳақда ахборотлар бериш;

- олий таълим муассасасида қонуний равишда фаолият юритаётган жамоат бирлашмаларига аъзо бўлиш ва уларни ишида қатнашиш.

Талаба сифатли ва юқори савияда билим олиши, танлаган ихтисослиги бўйича юқори малакали мутахассис бўлиб етишиш учун зарур бўлган қонун ҳужжатларига зид бўлмаган бошқа ҳуқуқлардан фойдаланишга ҳақлидир.

Талаба ўз ҳуқуқларини суистеъмол қилмаслиги, бу ҳуқуқлардан ўзга шахслар манфаатига зид мақсадларда фойдаланмаслиги шарт.

8. Давлат грантлари бўйича ва тўлов-контракт асосида ўқитишнинг ишлаб чиқаришдан ажралган ҳолдаги шаклда таълим олаётган талабалар Ўзбекистон Республикаси Вазирлар Маҳкамаси томонидан белгиланган тартиб ва миқдорда стипендия билан таъминланадилар.

Талабалар тегишли норматив-ҳуқуқий ҳужжатларга асосан Ўзбекистон Республикаси Президентининг Давлат стипендияси ва Беруний, Ибн Сино, Навоий ва Улуғбек, Ислом Каримов номидаги Давлат стипендиялари, шунингдек, ўқишга йўлланган юридик ва жисмоний шахслар тайинланган стипендияларни олиш ҳуқуқига эгадирлар.

9. Ҳарбий хизматни ўташ, саломатлигини тиклаш, ҳомиладорлик ва туғиш, шунингдек, бола парвариш қилиш таътиллари даврида талабага Ўзбекистон Республикаси Олий ва ўрта махсус таълим вазирлиги томонидан тасдиқланган тартиб асосида академик таътил берилиши мумкин.

10. Ўзбекистон Республикаси қонун ҳужжатларига мувофиқ кундузги ўқув шаклида таълим олаётган талабаларга олий таълим муассасасида ўқиётган вақти давомида ҳарбий хизматга чақириш муддатини кечиктириш имкони берилади.

11. Олий таълим муассасасининг Талабалар турар жойига муҳтож талабалар олий таълим муассасасининг Талабалар турар жойларидан санитария меъёрлари ва қоидаларига жавоб берадиган жой билан таъминланади. Талабалар турар жойларида талабаларга коммунал-маиший хизматлар учун тўловларни инобатга олиб, Олий таълим муассасаси томонидан белгиланади. Турар жойга муҳтож талабалар мавжуд бўлган ҳолда, Олий таълим муассасасининг талабалар турар жойлари майдонидан бошқа мақсадларга фойдаланиш (ижарага бериш, бошқа келишувлар)га рухсат этилмайди.

Ишлаб чиқаришдан ажралган ҳолда ўқув шаклида таълим олаётган талабаларга ўқишдан бўш вақтларида олий таълим муассасасининг ўзида, шунингдек, бошқа жойларда ишлашга рухсат этилади.

12. Наманган муҳандислик-қурилиш институтидан ўз ҳоҳиши ёки узрли сабабларга кўра четлаштирилган талаба, талабалар ўқишини кўчириш, қайта тиклаш ва ўқишдан четлаштириш тартиби ва қоидалари асосида қайта ўқишга тикланиш ҳуқуқига эга.

Наманган муҳандислик-қурилиш институтининг талабалари белгиланган тартиб ва қоидалар асосида бошқа Олий таълим муассасаларига ўқишларини кўчириш (ўқишга қайта тикланиш) ҳуқуқига эга.

Ўзбекистон Республикаси ҳудудида таълим фаолиятини олиб бориш учун лицензияга эга бўлмаган олий таълим муассасалари ва бошқа мамлакатлар олий таълим муассасаларининг филиаллари (марказлар, бўлимлар, ўқув-маслаҳат пунктлари ва бошқалар)дан талабаларни Наманган муҳандислик-қурилиш институтига ўқишини кўчириш (ўқишга тиклаш) мумкин эмас.

Талабалар ўқишини бир олий таълим муассасасидан бошқасига кўчириш, қайта тиклаш ва ўқишдан четлаштириш тартиби ва қоидалари Ўзбекистон Республикаси Вазирлар Маҳкамаси томонидан белгиланади.

13. Наманган муҳандислик-қурилиш институти талабалари Олий таълимнинг таълим дастурлари ва ўқув режасида назарда тутилган билимларни эгаллашлари, топшириқларнинг барча турларини белгиланган муддатда бажаришлари зарур ҳамда Наманган муҳандислик-қурилиш институтининг Уставига, Ички тартиб қоидаларига ва Талабалар турар жойлари қоидаларига риоя этишлари шарт.

Ўзбекистон Республикаси Ҳукумати қарорлари назарда тутилган ҳоллардан ташқари, талабаларни ўқиш вақти ҳисобидан таълим жараёни билан боғлиқ бўлмаган ишларга жалб этиш ман этилади.

14. Ушбу Устав ва Олий таълим муассасасининг Ички тартиб қоидаларида назарда тутилган мажбуриятларни бузган тақдирда талабага нисбатан қуйидаги интизомий жазо чоралари кўрилади: хайфсан ҳамда талабалар сафидан четлаштириш.

Талаба олий таълим муассасасидан қуйидаги ҳолларда четлаштирилиши мумкин:

- а) ўз хоҳишига биноан;
- б) ўқишнинг бошқа Олий таълим муассасасига кўчирилиши муносабати билан;
- в) саломатлиги туфайли (тиббий комиссия маълумотномаси асосида);
- г) академик ўзлаштира олмаганлиги (қарздорлиги) учун;
- д) ўқув интизомини ва Олий таълим муассасасининг ички тартиб-қоидаларини бузганлиги учун;
- е) бир семестр давомида дарсларни узрли сабабларсиз 74 соатдан ортиқ қолдирганлиги сабабли;
- ж) ўқиш учун белгиланган тўлов ўз вақтида амалга оширилмаганлиги сабабли (тўлов- контракт бўйича тахсил олаётганлар учун);
- з) талаба суд томонидан озодликдан маҳрум этилганлиги муносабати билан;
- и) вафот этганлиги сабабли.

Олий таълим муассасаси маъмурияти ташаббуси билан талабаларни ўқишдан четлаштириш талабалар касаба уюшмасининг ёзма розилигини инобатга олган ҳолда (касаба уюшмаси аъзоси бўлган талабалар учун) амалга оширилади. Шунингдек, талаба мазкур Қоидаларнинг 14-банди “д” кичик бандига кўра четлаштирилаётган ҳолда, таълим муассасасининг Ёшлар иттифоқи билан ҳам келишиши мумкин.

Интизомий жазога келтирилган талаба ўзига қўлланилган жазо чорасининг қонунийлиги ва адолатлилиги юзасидан қонун ҳужжатларида белгиланган тартибда норозилик билдириши мумкин.

Талабага нисбатан қўлланилган интизомий жазо юзасидан маълумот унинг шахсий йиғма жилдида сақланади.

Интизомий жазолар талабаларнинг касаллик ёки таътилда бўлган вақти ҳисобга олинмаган ҳолда хатти-ҳаракат аниқлангандан сўнг бир ойдан ва хатти-ҳаракат содир этилгандан сўнг олти ойдан кечиктирилмай

қўланилади. Талабалар касаллик пайтида, академик таътил ёки хомиладорлик ва туғиш ҳолати билан боғлиқ бўлган таътил пайтларида талабалар сафидан четлаштириш мумкин эмас.

Касаллик пайтида талаба (ёки унинг ота-онаси) ариза ва тегишли маълумотномалар билан одатда, бир haftaдан кечиритирилмасдан олий таълим муассасасига маълум қилинади.

15. Наманган муҳандислик-қурилиш институтида таълимнинг ишлаб чиқаришдан ажралган ёки ажралмаган ҳолдаги ўқув шаклларида муваффақиятли ўқиётган талабаларга уларнинг иш жойидан Ўзбекистон Республикаси Меҳнат Кодексининг тегишли моддаларида назарда тутилган имтиёзлар (маош сақланган ёки сақланмаган ҳолда қўшимча таътил, олий таълим муассасаси жойлашган манзилга бориш ва келиш учун йўл ҳақи ва бошқалар) берилади.

### **б) Тингловчилар**

16. Наманган муҳандислик-қурилиш институти қошидаги Малака ошириш ва қайта тайёрлаш марказида ўқиётган шахслар тингловчилар ҳисобланади. Тингловчиларнинг мақоми таълим хизматларини олиш қисми бўйича олий таълим муассасасида мувофиқ ўқув шаклида таълим олаётган талабаларнинг мақоми билан тенглаштирилади.

Кадрлар малакасини ошириш ва қайта тайёрлаш тартиби, тингловчиларни ўқитиш шартлари ва ҳуқуқлари қонун ҳужжатларига мувофиқ тегишли норматив-ҳуқуқий ҳужжатлар билан белгиланади.

### **в) докторант ва мустақил изланувчилар**

17. Олий ўқув юртидан кейинги таълим қуйидаги шаклларда амалга оширилади:

- таянч докторантура;
- докторантура;
- мустақил изланувчилик.

Олий ўқув юртидан кейинги таълим институтларида ўқиш уч йилгача давом этади.

Таянч докторантурага ва докторантурага қабул қилиш олий таълим муассасалари ташкил этадиган қабул комиссиялар томонидан қонун ҳужжатларида белгиланган тартибда танлов асосида амалга оширилади.

- таянч докторантурада ўқишга талабгорларни танлаб олиш кириш имтиҳонлари натижаларига кўра, докторантурага эса- суҳбат натижаларига кўра амалга оширилади.
- мустақил изланувчилик институтига расмийлаштириш суҳбат натижаларига кўра амалга оширилади.

Фалсафа доктори (PhD) илмий даражасини олиш учун таянч докторантурага кирувчи ёки мустақил изланувчи сифатида расмийлаштирилувчи шахслар қуйидаги талабларга жавоб бериши лозим:

- магистр даражаси ёки олий маълумот (мутахассислик дастурлари бўйича) тўғрисидаги дипломга эга бўлиш;
- фалсафа дотори (PhD) илмий даражасини олиш учун диссертация тадқиқоти асосини ташкил қилиш мумкин бўлган муайян илмий натижаларга, шу жумладан, илмий журналлар ва нашрларда чоп этилган камида битта илмий мақолага ҳамда илмий-амалий конференциялар, семинарларда, тегишли илмий йўналишлар бўйича илмий ишлар тўпламларида камида иккита тезисга эга бўлиш;
- фалсафа дотори (PhD) илмий даражасини олиш учун мустақил изланувчиликка икки йилдан кам бўлмаган илмий-педагог стажга ёки аниқ илмий ютуққа (ихтирога патент ёки муаллифлик гувоҳномаси) эга бўлган шахслар расмийлаштирилади.

Фан доктори (DSc) илмий даражасини олиш учун докторантурага кирувчи ёки мустақил изланувчи сифатида расмийлаштирилувчи шахслар қуйидаги талабларга жавоб бериши керак:

- Фан номзоди ёки фалсафа доктори (PhD) ёки унга тенглаштирилган хорижий мамлакатларда олинган илмий даражалар;
- Фан номзоди ёки фалсафа доктори (PhD) илмий даражасини олгандан сўнг муҳим илмий ютуқларга эришиш, шу жумладан, фан доктори (DSc) илмий даражасини олиш учун диссертация тадқиқоти асосини ташкил қилиши мумкин бўлган илмий журналларда чоп этилган камида учта илмий мақолага ҳамда илмий-амалий конференциялар, семинарлар ва тегишли илмий йўналишлар бўйича илмий ишлар тўпламларида камида иккита тезисга эга бўлиш.

Фалсафа дотори (PhD) илмий даражасини учун мустақил изланувчиликка қуйидагилар расмийлаштирилади:

- магистр даражаси ёки клиник ординатура (тиббиёт фанлари учун), дипломи ёки олий маълумот тўғрисидаги (ихтисослик бўйича) дипломга эга бўлганлар;
- белгиланган илмий мақолаларига эга бўлганлар;
- камида икки йиллик илмий-педагогик иш стажига ёки муайян илмий ютуқлар (ихтиро учун патентлар ёки муаллифлик гувоҳномалари)га эга бўлганлар.

Фан доктори (DSc) илмий даражасини учун мустақил изланувчиликка фан номзоди ёки фалсафа доктори (PhD) ёки унга тенглаштирилган хорижий мамлакатларда олинган дипломга эга бўлган, белгиланган тартибда талабларга мувофиқ илмий даража олганидан сўнг салмоқли илмий ютуқларга эришган шахслар расмийлаштирилади.

**2) Олий таълим муассасасинининг профессор-ўқитувчилар таркиби, ўқув- ёрдамчи ва маъмурий хўжалик ходимлари (персонали):**

**18.** Наманган муҳандислик-қурилиш институтида профессор-ўқитувчилар таркиби, илмий-ходимлар, муҳандис-техника, маъмурий-хўжалик, ишлаб чиқариш, ўқув ёрдамчи ва бошқа хизматчилар лавозимлари мавжуд.



19. Профессор-ўқитувчилар таркибидаги лавозимларни эгаллаш Ўзбекистон Республикаси Вазирлар Маҳкамасининг қарори билан тасдиқланган “Олий таълим муассасаларига педагог ходимларни танлов асосида ишга қабул қилиш тартиби тўғрисида”ги Низомга мувофиқ танлов асосида меҳнат шартномаси бўйича амалга оширилади.

Ўзбекистон Республикаси Президентининг 1992 йил 9 март Ф-137-сонли фармойишига мувофиқ олий таълим муассасасининг проректори ректор тавсиясига кўра Олий ва ўрта махсус таълим вазири томондан Ўзбекистон Республикаси Президенти девони билан келишилган ҳолда тайинланади. Факультет декани Олий ва ўрта махсус таълим вазирлиги билан келишилган ҳолда институт ректорининг буйруғи билан тайинланади.

20. Наманган муҳандислик-қурилиш институтининг профессор-ўқитувчилар таркиби ва илмий ходимлари қуйидаги ҳуқуқларга эга:

- белгиланган тартибда олий таълим муассасаси ва факультет Илмий кенгашларига сайлаш ва сайланиш;

- олий таълим муассасасинининг фаолиятига тааллуқли масалаларни муҳокама қилишда иштирок этиш;

- олий таълим муассасасинининг ахборот-ресурс маркази, ўқув ва илмий бўлинмаларнинг хизматларидан, шунингдек, ижтимоий-маиший, тиббий ва бошқа бўлинмалар хизматидан жамоа шартномасига мувофиқ фойдаланиш;

- ўқитишнинг услуб ва воситаларини танлаш, ўқув ва илмий жараённинг юқори сифатини таъминловчи илмий-тадқиқот ишларини амалга ошириш;

- олий таълим муассасаси маъмуриятининг буйруқ ва фармойишлари юзасидан қонунчиликда белгиланган тартибда мурожаат қилиш;

- қонунчиликда белгиланган тартибда танловларда қатнашиш, лавозимларни эгаллаш;

- ўзлари ишлаётган кафедра, факультетдан ташқари бошқа факультет, кафедра, ташкилотларда ўриндошлик асосида ишлаш (асосий иш жойи билан келишилган ҳолда);

- хорижий ҳамкасбларнинг соҳага доир илмий ва ўқув-услубий адабиётлари билан танишиш ва улар билан фикр алмашиш;

- ўз фани бўйича сифатли дарсликлар ва ўқув кўланмалар тайёрлаш;

- назарий билимларини амалий тажрибасини, илмий тадқиқот олиб бориш услубини, педагог маҳоратини такомиллаштириб бориш;

- талабаларнинг илмий-тадқиқот ишларига раҳбарлик қилиш;

- грантлар, илмий лойиҳалар, хўжалик шартномаларида иштирок этиш;

- Ўзбекистон Республикасининг таълим соҳасига оид қонунчилигида белгиланган бошқа ҳуқуқлардан фойдаланиш.

21. Наманган муҳандислик –қурилиш институтининг профессор-ўқитувчилар таркиби ва илмий-ходимларининг мажбуриятлари қуйидагилардан иборат:

- таълим тўғрисидаги қонунчилик, меҳнат ва технология интизоми, муассаса Устави, Ички меҳнат тартиби қоидаларига қатъий риоя қилиш;

- ўзининг хизмат вазифаларини виждонан бажариш ва ўқитувчилик шаънига доғ туширмаслик;

- иш жараёнида мулоқот қиладиган муассаса ходимлари, талабалари ва бошқа шахслар билан хушфёъл муносабатда бўлиш;

- иш берувчининг қонуний фармойишларини бажариш, ҳар йили тасдиқланадиган шахсий режа асосида ўқув-услубий, илмий ва маънавий-маърифий ишларни ўз вақтида ва сифатли бажариш, хусусан:

а) ўқув юктамалари ҳажмини, ўқув-услубий, илмий ўқув-ташкилий ишларни тасдиқланган шахсий режа асосида бажариш ва маънавий-маърифий ишларда иштирок этиш;

б) дарслик, ўқув қўлланма тайёрлаш, ўқув адабиётлар, илмий мақолалар, монографиялар ёзиш;

в) тарбиявий ишларни олиб бориш, талабалар билан маънавий-маърифий ишларда бевосита иштирок этиш, шу жумладан дарсдан ташқари вақтларда ўтказиладиган тадбирларда;

д) Илмий кенгаш томонидан тасдиқланган кафедра илмий мавзуларида иштирок этиш;

е) ўз малакасини мунтазам равишда ошириш;

- меҳнатни муҳофаза қилиш ҳавфсизлик техникаси ва ишлаб чиқариш санитариясига доир қоидаларига риоя қилиш;

- иш берувчига бевосита етказилган ҳақиқий моддий зарарни қоплаш;

- муассаса жамоатчилиги ишларида қатнашиш;

- педагогик ва илмий жараённинг самарадорлигини таъминлаш;

- замонавий цивилизация ва демократия шароитида таълим олувчиларнинг танлаган йўналиши (мутахассислиги) бўйича юксак касбий тайёргарликни, меҳнатга бўлган қобилиятини шакллантириш;

- чет тили ва ахборот технологияларидан саводхонлигини ошириб бориш;

- таълим олувчиларда мустақил фикрлаш, ташаббускорлик, ижодий қобилиятни шакллантириш;

- “Устоз-шогирд” тизимида иштирок этиб, ўзига бириктирилган шогирдлар билан илмий, маънавий-маърифий ишларни амалга ошириш;

- ўзининг одоби, маданияти, маънавий савияси билан ўрнатилган бўлиш;

- кийиниш маданиятига риоя этиш;

- республикада амалга оширилаётган ислохотлар ва жаҳонда рўй бераётган янгиликлардан хабардор бўлиш;

- муассаса, факультет, кафедра томонидан ташкил этиладиган маданий, маънавий, маърифий тадбирларда фаол иштирок этиш;

- ўзи ўқитадиган фан дастурини мунтазам фан ва техника ютуқлари асосида бойитиб бориш;

- дарсларни юқори савияда ўтиши;

- фан йўналишига тегишли янги манбаларни топиш ва улар билан талабаларни таништириб бориш;

- ҳар ўқув йили бошлангунга қадар ўзи ўқитадиган фан(лар)нинг ишчи ўқув дастури, календарь режаси ва рейтинг назоратлари жадвалини ишлаб чиқиш ва кафедра мажлисида тасдиқлаш;

- рейтинг тадбирларини ўз вақтида ўтказиш;

- талабалар билимини холисона баҳолаш;
- янги педагог технологияларни дарс жараёнида қўллаш;
- илмий салоҳият ва педагогик маҳоратини ошириш;
- талабалар илмий-тадқиқот ишларига раҳбарлик қилиш;
- олий таълим тизимида амалга оширилаётган ислохотларда фаол қатнашиш.

22. Муассаса профессор-ўқитувчи ходимларининг чет эл хизмат сафарлари Вазирликнинг 13.04.05 й. 81-сонли буйруғи билан тасдиқланган “Ўзбекистон Республикаси олий таълим муассасаларидан хорижий сафарларга бориш тартиби тўғрисида”ги муваққат Йўриқнома асосида амалга оширилади.

23. Наманган муҳандислик-қурилиш институти олий таълим муассасасининг профессор-ўқитувчилари таркиби уч йилда камида бир маротаба малакасини ошириш кафолатини таъминлайди.

24. Наманган муҳандислик-қурилиш институтининг маъмурий хўжалик, муҳандис-техника, ўқув-ёрдамчи ва бошқа хизмат ходимларининг ҳуқуқ ва мажбуриятлари олий таълим муассасасининг Ички тартиб қоидалари ва лавозим йўриқномалари билан белгиланади.

#### **IV. Ўқув-тарбиявий ва илмий-методик ишлар**

25. Наманган муҳандислик-қурилиш институти қуйидаги йўналиш ва мутахассисликлар бўйича олий таълим ва олий ўқув юртидан кейинги таълимнинг асосий дастурлари, қўшимча таълимнинг дастурларини амалга оширади:

##### **1) Олий таълим (бакалаврият ва магистратура):**

###### **1) Кундузги ўқув шакли:**

1. 5111000-Касб таълими (Қишлоқ хўжалигини механизациялаштириш)
2. 5111000-Касб таълими (Муҳандислик коммуникациялари қурилиши ва монтажи)
3. 5111000-Касб таълими (Информатика ва ахборот технологиялари)
4. 5111000-Касб таълими (Кимёвий технология)
5. 5111000-Касб таълими (Иқтисодиёт)
6. 5111000-Касб таълими (Озиқ-овқатлар технологияси)
7. 5111000-Озиқ-овқатлар технологияси (консерваланган озиқ-овқат маҳсулотлари)
8. 5111000-Касб таълими (Ерусти транспорт тизимлари ва улардан фойдаланиш (автомобил транспорти))
9. 5230200-Менежмент (реал сектор)
10. 5310200-Электрэнергетика (Энергия ишлаб чиқариш, узатиш ва тақсимлаш бўйича)

11. 5310100-Энергетика (иссиқлик энергетикаси)
12. 5310600-Ер усти транспорт тизимлари ва уларнинг эксплуатацияси (автомобил транспорти)
13. 5310900-Метрология, стандартлаштириш ва махсулот сифат менежменти (тармоқлар бўйича)
14. 5320200-Машинасозлик технологияси, машинасозлик ишлаб чиқаришини автоматлаштириш
15. 5320300-Технологик машиналар ва жихозлар (машинасозлик ва металлга ишлов бериш)
16. 5340200-Бинолар ва иншоотлар қурилиши (саноат ва фуқаро бинолари)
17. 5340400-Мухандислик коммуникациялари қурилиши ва монтажи (иссиқлик-газ таъминоти ва вентиляция)
18. 5340800-Автомобиль йўллари ва аэродром
19. 5341000-Қишлоқ ҳудудларини архитектура-лойиҳавий ташкил этиш
20. 5341300-Коммунал инфратузилма ва уй-жой коммунал хўжалигини ташкил этиш ва бошқариш
21. 5340500-Қурилиш материаллари, буюмлари ва конструкцияларини ишлаб чиқариш
22. 5610100-Хизматлар соҳаси (фаолият турлари ва йўналишлари бўйича)
23. 5620100-Ташишларни ташкил этиш ва транспорт логистикаси (транспорт турлари бўйича)
24. 5330200-Информатика ва ахборот технологиялари (тармоқлар ва соҳалар бўйича)
25. 5430100-Қишлоқ хўжалигини механизациялаштириш
26. 5312400-Муқобил энергия манбалари (турлари бўйича)

## **2) Магистратура бўйича:**

1. 5A310601-Ерусти транспорт воситалари ва тизимлари (транспорт турлари бўйича)
2. 5A340201-Бино ва иншоотлар қурилиши (иншоотлар тури бўйича)
3. 5A340403-Иссиқлик-газ таъминоти, вентиляция, ҳавони мўътадиллаш ва ҳаво ҳавзасини муҳофаза қилиш
4. 5A320201-Машинасозлик технологияси ва жихозлари (ишлаб чиқариш бўйича)
5. 5A310204-Электр энергетикаси тизимлари ва тармоқлари (фаолият турлари бўйича)
6. 5A340501-Қурилиш материаллари, буюмлари ва конструкцияларини ишлаб чиқариш
7. 5A430101-Қишлоқ хўжалигини механизациялаштириш (тармоқлар бўйича)

26. Наманган муҳандислик-қурилиш институти таълимнинг асосий таълим дастурларини икки босқичда амалга оширади: бакалаврият ва магистратура.

Бакалаврият – таълим йўналиши бўйича фундаментал ва амалий билимлар берувчи, ўқиш муддати 4 йилдан кам бўлмаган таянч олий таълимдир.

Бакалавр дастурини тугатган битирувчиларга давлат аттестацияси яқунларига биноан таълим йўналиши бўйича “бакалавр” даражаси берилади ҳамда давлат намунасидаги диплом топширилади.

Магистратура – йўналишининг муайян мутахассислиги бўйича фундаментал ва амалий билимлар берувчи, бакалаврият негизида, ўқиш муддати 2 йилдан кам бўлмаган олий таълимдир.

Магистр дастурини тугатган битирувчиларга давлат аттестацияси яқунлари бўйича тайёрланган муайян мутахассислик бўйича “магистр” даражаси ва давлат намунасидаги диплом берилади.

Бакалавр ва магистрлик давлат намунасидаги диплом унинг эгаларига касбий фаолият билан шуғулланиш ёки танланган таълим йўналишига ва мутахассислигига мувофиқ таълим муассасаларининг навбатдаги босқичларида ўқишни давом эттириш ҳуқуқини беради.

Олий таълимнинг турли босқичида асосий таълим дастурлари бўйича дастлабки таълим олиш, иккинчи олий таълим олиш сифатида қаралмайди.

27. Наманган муҳандислик-қурилиш институтида таълим жараёнини ташкил этиш, таянч олий таълим муассасаси томонидан ишлаб чиқариладиган ва ўрнатилган тартибда тасдиқланадиган ўқув режалари ва фанларнинг дастурлари, олий таълим муассасаси ректори (ўқув ишлари бўйича проректор) томонидан тасдиқланган йиллик календарь ўқув жадвали ҳамда машғулотлар жадвали билан тартибга солинади.

Таълим жараёнини мақсадли йўналтириш йўли билан ташкил этиш, яъни таълим шаклари, услуб ва воситаларни танлаш йўли билан олий таълим муассасаси талабаларига олий таълимнинг асосий касбий таълим дастурларини ўзлаштириш учун зарурий шароитларини яратиб берилиши лозим.

Таълим-тарбия жараёнининг бирлиги давлат таълим стандартлари билан таъминланади. Олий таълим муассасасининг ижтимоий-иқтисодий ва гуманитар фанлари кафедралари, маънавий-маърифий ва спорт бўғинларига, талабалар ва бошқа жамоатчилик ташкилотларига раҳбарлик қилиш ва уларнинг фаолиятини мувофиқлаштириб бориш маънавият-ахлоқий тарбия масалалари бўйича проректор томонидан амалга оширилади.

28. Наманган муҳандислик-қурилиш институтида ўқув машғулотларининг қуйидаги асосий турлари белгиланган: маъруза, консультация, семинар, амалий машғулот, лаборатория иши, назорат иши, коллоквиум, мустақил иш, амалиёт, курс лойихаси (курс иши), диплом лойихаси, бакалаврлик битирув малакавий иши ҳамда магистрлик диссертацияси.

Аудитория машғулотларининг барча турлари учун 80 дақиқалик академик соат белгиланган. Ўқув машғулотлари орасидаги танаффус камида 10 дақиқа бўлади.

Таълим ва тарбия олиб бориладиган тиллар: Ўзбек, рус ҳамда инглиз тиллар ҳисобланади.

29. Наманган муҳандислик-қурилиш институтида кадрларни тайёрлаш ишлаб чиқаришдан ажралган ва ажралмаган ҳолда олиб борилади.

Олий таълимнинг асосий касбий таълим дастури доирасида таълим олишнинг барча шакллари учун ўрнатилган тартибда ишлаб чиқилган ва “Узстандарт” агентлигида давлат рўйхатидан ўтказилган давлат таълим стандарти қўлланилади.

30. Наманган муҳандислик-қурилиш институтида ўқув йили икки семестрга бўлинади ва унинг ҳар бирида талабаларнинг ўзлаштириш рейтинг назорати шаклида олиб борилади.

Ўзлаштирувчи талабаларни курсдан курсга ўтказиш факультет деканининг тавсиясига биноан ректор буйруғи билан амалга оширилади. Талабаларни курсдан курсга шартли ўтказиш мумкин эмас.

Олий таълимнинг таълим дастурларини ўзлаштириш, Олий ва ўрта махсус таълим вазирлиги томонидан тасдиқланган ва Адлия вазирлигидан давлат рўйхатидан ўтказилган “Олий таълим муассасалари талабалари билимини назорат қилиш ва баҳолашнинг рейтинг тизими тўғрисидаги низом”га мувофиқ тартибга солинади, “Ўзбекистон Республикаси Олий таълим муассасалари битирувчиларининг якуний аттестацияси билан тугалланади.

31. Наманган муҳандислик-қурилиш институтида илғор педагогик ва ахборот технологиялари, таълимни индивидуаллаштириш ва мустақил таълим олиш воситаларини, модул тизими ҳамда масофавий таълим беришни қўллаш ҳисобига мутахассислар тайёрлаш сифатини оширишга йўналтирилган илмий-услубий ишлар амалга оширилади.

## **6. Олий таълим муассасасидан кейинги таълим**

32. Наманган муҳандислик-қурилиш институти Олий ўқув юртидан кейинги таълим доирасида Ўзбекистон Республикаси Вазирлар Маҳкамаси ҳузуридаги Олий Аттестация Комиссияси томонидан тасдиқланган “Олий малакали илмий ва илмий-педагог кадрлар мутахассисликлари рўйхати”га мувофиқ тегишли вазирлик (идора) рухсати асосида олий шъув юртидан кейинги таълим институти орқали илмий-педагогик кадрларни тайёрлаш, шунингдек, фалсафа доктори (PhD) ва фан доктори илмий даражасини олиш учун диссертациялар тайёрлаш ва химоя қилиш учун олий таълим муассасасига изланувчиларни бириктириш ишлари амалга оширилади.

33. Наманган муҳандислик-қурилиш институти Ўзбекистон Республикаси Вазирлар Маҳкамасининг 2015 йил 20 августдаги 242-сон қарори билан тасдиқланган “Олий таълим муассасаларининг раҳбар ва педагог кадрларини қайта тайёрлаш ва уларнинг малакасини ошириш

курслари тўғрисида”ги қарорга мувофиқ кадрларни қайта тайёрлаш ва малакасини ошириш амалга оширилади.

Кадрларни қайта тайёрлаш ва малакасини ошириш марказида ўқиш натижаларига кўра ўрнатилган тартибда тасдиқланган давлат намунасидаги сертификат “диплом” берилади.

34. Наманган муҳандислик-қурилиш институти Илмий кенгашнинг тематик режалар бўйича бажариладиган ишларнинг сифати ҳамда меҳнат хавфсизлигини таъминлаган ҳолда талабалар, докторантларнинг кенг жалб этиб, илмий тадқиқот ва ижодий ишларни олиб боради.

Илмий тадқиқотлар куйидаги маблағлар ҳисобидан молиялаштирилади:

- Фан, техника ва маданиятнинг муҳим йўналишлари бўйича фундаментал, амалий ҳамда инновацион тадқиқотларини бажариш учун ажратиладиган давлат бюджети маблағлари;

- Шартнома асосида, соҳавий вазирликлар, идоралар, корхоналар, бирлашмалар ва бошқалар, шу жумладан хорижий ташкилотлар маблағлари.

#### ***V. Олий таълим муассасасининг таркиби***

35. Наманган муҳандислик-қурилиш институти таркибига кўра куйидагилар киради:

*а) Институт факультетлари:*

Қурилиш

Муҳандислик

Транспорт

Қурилиш-технология

*б) Институт кафедралари:*

Менежмент ва иқтисодиёт

Муҳандислик коммуникациялар қурилиши

Бино ва иншоотлар қурилиши

Материаллар қаршилиги ва механика

Ер усти транспорт тизимлари ва уларни эксплуатация қилиш

Ўзбекистон тарихи

Чизмачилик ва муҳандислик графикаси

Касб таълими (Информатика ва ахборотлар технологияси)

Касб таълими (Кимёвий технология)

Педагогика ва педагогик технологиялар

Олий математика

Технологик машиналар ва жиҳозлар

Ҳаёт фаолияти хавфсизлиги

Физика

Энергетика

Жисмоний маданият

Чет тиллар

Курилиш материаллари, буюмлари ва конструкцияларини ишлаб чиқариш

Озиқ-овқат технологияси  
Машинасозлик технологияси  
Ижтимоий фанлар  
Ахборотлар технологияси  
Курилишни ташкил этиш ва бошқариш  
Қишлоқ хўжалиги транспорт тизимлари  
Автомобил йўллари ва аэродромлар

*в) ўқув-илмий лабораториялар:*

Био ва иншоотлар қурилиши  
Муҳандислик коммуникациялар қурилиши  
Касб таълими (Кимёвий технология)  
Озиқ-овқат технологияси  
Физика  
Электро энергетика

*г) Институт бўлимлари:*

Ўқув-услубий бўлим  
Ахборот технологиялар маркази  
Ахборот ресурс маркази  
Магистратура бўлими  
“Маънавия ва маърифат” бўлими  
Илмий тадқиқот ва илмий педагогик кадрлар тайёрлаш бўлими  
Молия-режалаштириш бўлими  
Бухгалтерия  
Ўқитишнинг техник воситалари бўлими  
Фуқаро муҳофазаси ва меҳнат муҳофазаси  
Малака ошириш ва қайта тайёрлаш бўлими  
АЛ ва КХКлари билан ишлаш бўлими  
Халқаро алоқалар бўлими  
Ички назорат ва мониторинг бўлими  
Таълим сифатини назорат қилиш инспекцияси  
Маркетинг бўлими  
Ходимлар бўлими  
Девонхона ва архив  
1 ва 2-бўлимлар

д) Ўзбекистон Республикаси Вазирлар Маҳкамасининг 1988 йил 24 февралдаги 77-сонли ҳамда 1998 йил 13 сентябрдаги 204-сонли қарорларини амалда бажариш бўйича Ўзбекистон Республикаси Олий ва ўрта махсус таълим вазирлиги, Ўрта махсус, касб-ҳунар таълими марказининг 2000 йил 17 июлдаги 139-сонли буйруғига кўра Наманган муҳандислик-қурилиш институти қошидаги лицей-интернат негизида Дўстлик академик лицейи ташкил этилган. 2010 йилдан бошлаб Чустдаги – академик лицей, Тўрақўрғон академик лицей, Норин академик лицей,



Учқўрғон академик лицейи институт қошида ташкил этилган. Уларда 4 та (ижтимоий-гуманитар, хорижий филология, аниқ фанлар, табиий фанлар) таълим йўналишлари бўйича ўқувчилар таҳсил олмоқда.

## ***VI Олий таълим муассасасини бошқариш***

36. Наманган муҳандислик-қурилиш институтини бошқариш Ўзбекистон Республикаси қонунчилигига ҳамда Уставга мувофиқ яқка раҳбарлик ва олий таълим муассасасининг Ҳомийлар кенгаши орқали жамоатчилик бошқарувини уйғунлаштириш принципи асосида амалга оширилади.

37. Наманган муҳандислик-қурилиш институтини бевосита бошқариш Ўзбекистон Республикаси Президентининг 1992 йил 9 март 137-ф-фармойишида белгиланган тартиб асосида тайинланадиган ректор томонидан амалга оширилади.

Ректор олий таълим муассасаси фаолиятига, шунингдек, олий таълим муассасасининг Ички тартиб қоидалари, олий таълим тўғрисидаги Низом ҳамда мазкур Уставда белгиланган мажбуриятлар учун тўла масъулдир.

Ректор Ўзбекистон Республикаси Ўзбекистон Республикаси қонунчилигига мувофиқ олий таълим муассасаси номидан иш олиб боради, барча идоралар, муассасалар, корхоналарда унинг вакили сифатида қатнашади, олий таълим муассасасининг мол-мулкига масъуллик қилади, шартномалар тузади, ишончномалар беради, банкда олий таълим муассасасининг ҳисоб рақамларини очади, кредитлардан қандай фойдаланиш бўйича фармойишлар беради.

Ректор олий таълим муассасасининг ваколати доирасида:

- олий таълим муассасасининг барча ходимлари, талабалари ва бошқа таълим олаётганлар учун мажбурий бўлган буйруқлар ва топшириқлар беради;
- бўйсунувчи вазирлик (идора) билан келишилган ҳолда факультет деканлари ва бош бухгалтерни лавозимига тайинлайди ва лавозимидан озод қилади;
- олий таълим муассасаси проректорлари лавозимига номзодларни тавсия этади ва проректорлар, деканларнинг муайян вазифалари ҳамда масъулликларини белгилайди;
- олий таълим муассасаси ходимлари ва хизматчиларини, шунингдек илмий-педагогик ходимларини Ўзбекистон Республикаси меҳнат қонунчилиги ва Вазирлар Маҳкамаси томонидан белгиланган тартибда ишга олиш ва бўшатишни амалга оширади;
- олий таълим муассасаси таркибига кирган илмий-тадқиқот, тажриба-экспериментал ҳамда бошқа ташкилот ва бўлинмаларнинг ваколатини белгилайди ва улар тўғрисидаги низомларни тасдиқлайди;
- олий таълим муассасаси ходимларининг лавозим маошларига устама ва қўшимчаларни белгилайди;

- касаба уюшма кўмитаси ёки олий таълим муассасасининг бошқа ваколатли органи билан келишган ҳолда Ички тартиб қоидаларини тасдиқлайди;
- олий таълим муассасасининг амалдаги қонун ҳужжатлари ёки Вазирликнинг норматив-ҳуқуқий ҳужжатлари бузилган ҳолда чиқарилган буйруқларини бекор қилади;
- олий таълим муассасасининг Намунавий штат бирликларига мувофиқ, ажратилган маблағлар ҳамда иш ҳақи фонди, тасдиқланган олий таълим муассасаси ходимларининг сони ва лавозим маошлари, тариф сеткаси доирасида олий таълим муассасаси профессор-ўқитувчилар таркиби ва олий таълим муассасаси ходимларининг штат бирлигини тасдиқлайди ҳамда лавозим маошларини белгилайди;
- олий таълим муассасаси Илмий кенгашининг тавсиясига кўра ўрнатилган тартибда норматив-ҳуқуқий ҳужжатларга мувофиқ факультетларни, кафедраларни очиш ёки ёпиш қарорларини тасдиқлайди;
- “Олий таълим муассасаси кафедраси тўғрисидаги низом” талабларидан келиб чиққан ҳолда олий таълим муассасаси Илмий кенгашининг тавсиясига кўра кафедра ташкил этилади ёки тугатилади.

Олий таълим муассасаси ректорига ўзи ишлаётган олий таълим муассасасида ва ундан ташқарида ҳақ тўланадиган бошқа раҳбарлик лавозимида (илмий ва илмий-методик раҳбарликдан ташқари) ўриндошлик бўйича бажариши мумкин эмас.

38. “Олий таълим тўғрисидаги Низом”га мувофиқ Наманган муҳандислик-қурилиш институтида олий таълим муассасаси фаолиятининг асосий масалаларини кўриш учун Илмий кенгаш ташкил этилади.

Илмий кенгаш таркибига ректор киради ва Илмий кенгаш раиси ҳисобланади, проректорлар, факультет деканлари ҳамда кафедралар мудирлари, шунингдек талабалар олий таълим муассасаси ходимлари касаба уюшмаси вакиллари киради. Илмий кенгашнинг бошқа аъзолари умумий мажлисда (конференцияда) яшириш овоз бериш йўли билан сайланади. Профессор-ўқитувчилар таркибидан Илмий кенгашга сайланадиган сони ректор буйруғи билан белгиланади.

Илмий кенгашнинг ваколати, уни сайлаш ва фаолият юритиш тартиби таълимни бошқариш бўйича ваколатли давлат органи томонидан тасдиқланган “Олий таълим муассасасининг Илмий кенгаши тўғрисидаги Низом” билан белгиланади.

39. Наманган муҳандислик-қурилиш институтида Васийлар кенгаши олий таълим муассасасини бошқарувчи жамоатчилик органи сифатида ташкил этилади ва унинг таркибига муассис-вазирликлар, маҳаллий ҳокимият, ишбилармон доиралар, жамоатчилик ташкилотлари, жамғарма ва васийлар, бошқа таълим муассасаларининг вакиллари киради.

Васийлар кенгашининг таркиби, ваколатлари, шакллантириш таркиби ва фаолияти “Васийлар кенгаши тўғрисидаги Низом” билан белгиланади.

40. Наманган муҳандислик-қурилиш институтида касаба уюшмалари ва бошқа жамоатчилик ташкилотлари фаолият кўрсатади. Талабалар ва ходимлар манфаатларини ҳимоялашни таълим ва фан касаба уюшмалари ҳамда уларнинг олий таълим муассасасида сайланган органлари амалга оширади. Талабалар ва ходимларни ваколат органларининг ҳуқуқлари ва уларга нисбатан олий таълим муассасаси маъмуриятининг мажбуриятлари қуйидагилардир:

уюшма аъзоларининг меҳнат қилиш ҳуқуқини ҳимоя этади; меҳнат шароити ва меҳнатга ҳақ тўлаш, меҳнатни муҳофаза қилиш ва ишлаб чиқариш ҳавфсизлигини таъминлаш, ижтимоий суғурта, соғлиқни сақлаш ва меҳнатга таалуқли, пенсия таъминоти соҳасидаги ҳуқуқларини ҳимоя қилиш; меҳнат ҳуқуқларини ҳимоя қилиш; жамоа меҳнат низомларини кўриб чиқишда қатнашиш; жамоа шартнома шартларини бузилишини олдини олиш; меҳнаткашларнинг манфаатларини ҳимоя қилишга ҳамда маъмурият билан меҳнат жамоаси ўртасида келиб чиқадиган низоларни Ўзбекистон республикаси қонунларига мувофиқ ҳолда ҳал қилиш ҳуқуқига эгади.

Амалдаги низомларга мувофиқ, Наманган муҳандислик-қурилиш институтида илмий ва ихтиёрий жамиятлар, илмий-услубий, илмий-техник кенгашлар ва комиссиялар, ёш олимлар кенгаши ва бошқалар ташкил этилиши мумкин.

Ректорат ва Илмий кенгаш ўз фаолиятида олий таълим муассасаси жамоатчилик ташкилотларининг тавсияларини кўриб чиқади ва ўз фаолиятларида уларни ҳисобга олади.

41. Наманган муҳандислик-қурилиш институтининг факультетини Олий ва ўрта махсус таълим вазирлиги билан келишилган ҳолда ректор томонидан тайинладиган декан бошқаради.

Факультет декани ўз фаолиятида “Олий таълим муассасасининг факультети тўғрисидаги Низом”га амал қилади.

“Олий таълим муассасасининг факультет тўғрисидаги Низом”га мувофиқ факультетда илмий кенгаш ташкил этилиши мумкин.

Илмий кенгашнинг таркиби, ваколатлари, шакллантириш ва фаолиятининг тартиби “Олий таълим муассасаси факультетининг Илмий кенгаши тўғрисидаги Низом” билан белгиланади.

Кафедра фаолиятига Ўзбекистон Республикаси Вазирлар Маҳкамаси томонидан тасдиқланган Низомга мувофиқ танлов асосида олий таълим муассасасининг Илмий кенгаши томонидан сайладиган мудир раҳбарлик қилади.

Кафедра мудирининг ваколатлари ва кафедра фаолиятининг тартиби “Олий таълим муассасасининг кафедраси тўғрисидаги Низом” билан белгиланади.

## **VI. Молия-хўжалик фаолияти ва моддий-техник база**

42. Наманган муҳандислик-қурилиш институтига ушбу Уставда назарда тутилган фаолиятни амалга ошириш мақсадида оператив бошқариш ҳуқуқи билан давлат (таъсисчи) томонидан бинолар, иншоотлар, мулкый мажмуалар, олий таълим муассасасининг паспортига мувофиқ асбоб-

ускуналар, шунингдек истеъмол, ижтимоий, маданий ва бошқа мақсадлар учун зарур бўлган мулклар бириктирилган.

Наманган муҳандислик-қурилиш институти фақат Ўзбекистон Республикаси Вазирлар Маҳкамасининг қарори билан амалга ошириладиган давлат тасарруфидан чиқариладиган ва хусусийлаштириладиган объектлар қаторига киритилган.

Наманган муҳандислик-қурилиш институти ажратилган ер участкалари олий таълим муассасасига муддатсиз текин фойдаланиш учун бириктирилган.

43. Наманган муҳандислик-қурилиш институти жисмоний ва юридик шахслардан совға, ҳадя ёки васият бўйича берилган пул маблағлари, мол-мулк ва бошқа мулкӣ объектларга, олий таълим муассасаси фаолиятининг самараси ҳисобланган интеллектуал ва ижодий маҳсулотларга, шунингдек ўз фаолияти орқали оладиган даромадлар ва бу даромадлар ҳисобидан сотиб олинadиган мулкӣ объектларга эгаллик қилиш ҳуқуқи берилган.

44. Наманган муҳандислик-қурилиш институти мол-мулкни ижарага олувчи ва мол-мулкни ижарага берувчи сифатида фаолият кўрсатиш ҳуқуқига эга. Ўзбекистон Республикасининг Фуқаролик кодекси ва Ўзбекистон Республикаси Вазирлар Маҳкамаси томонидан тасдиқланган “Давлат мулкни ижарага бериш тартиби тўғрисида Низом”га мувофиқ олий таълим муассасаси ўзига бириктирилган ижарага берилиши қонун ҳужжатларига зид бўлмаган бинолар, иншоотлар ва уларнинг қисмлари, асбоб-ускуналар, транспорт воситалари шаклидаги давлат мулки ва бошқа мол-мулкларни илмий кенгашнинг розилиги билан тасарруф этиш ҳуқуқисиз, белгиланган нархлар бўйича ижарага беришни амалга оширади.

Ижара ҳақи сифатида олинган маблағлар таълим жараёнини таъминлаш ва уни ривожлантириш учун фойдаланилади.

45. Наманган муҳандислик-қурилиш институтининг таълим фаолиятини молиявий таъминлаш давлат грантлари асосида мутахассислар тайёрлаш учун ажратилган бюджет маблағлари, давлат томонидан белгиланган нормативлардан келиб чиққан ҳолда қайта тайёрлаш ва ходимларнинг малакасини ошириш ҳисобига ажратилган маблағлар, шунингдек, бюджетдан ташқари маблағлар, жумладан талабалар ва тингловчиларни ўқитиш учун белгиланган тартибда олинган тўлов-шартнома асосидаги маблағлар ҳисобига амалга оширилади.

46. Наманган муҳандислик-қурилиш институти олий таълим муассасасининг асосий фаолиятига зарар етмайдиган тартибда таълим ва бошқа соҳалардаги пуллик хизмат фаолиятини амалга ошириши мумкин. Олий таълим муассасаси шуғулланadиган тадбиркорлик фаолияти Уставда белгиланган вазифаларга мос келиши керак.

Олий таълим муассасаси ўз мулки билан хўжалик жамиятлари ва ширкатларнинг устав жамғармасида қатнашиш, пуллик таълим хизматлари, консультациялар ва бошқа хизматлар учун нархларни белгилаш; солиқ ва қонунчиликда назарда тутилган ва бошқа мажбурий тўловлардан сўнг қолган даромадни мустақил тасарруф этиш ҳуқуқига эга.

Олий таълим муассасасининг пуллик таълим хизматлари кўрсатишни бюджетдан ажратиладиган маблағлар ҳисобидаги таълим фаолияти доирасида ва унинг ўрнига амалга оширилиши мумкин эмас.

Олий таълим муассасаси Ўзбекистон республикаси Қонунчилигига ҳамда мазкур Уставга зид бўлмаган шартномаларни тузиш, мажбуриятлар ва бошқа шартларни белгилаш бўйича масалаларни мустақил ҳал қилади.

47. Наманган муҳандислик-қурилиш институтида лавозим маошлари меҳнат шартномаси (битими) тузилаётганда “Олий таълим муассасалари ходимлари меҳнатига ҳақ тўлаш тўғрисида Низом” ва меҳнатга ҳақ тўлашнинг ягона тариф сеткасига мувофиқ белгиланади. Олий таълим муассасаси ходимига лавозим маоши (ставка) ўз функционал вазифаларини ҳамда меҳнат шартномасида назарда тутилган ишларни бажарганлиги учун тўланади. Қўшимча маош, устама ва бошқа моддий рағбатлантириш тадбирларининг ҳажмини олий таълим муассасаси мутақил, иш ҳақи фонди доирасида, қонунчиликда назарда тутилган ҳажмда белгилайди.

48. Наманган муҳандислик-қурилиш институтида олий таълим муассасасида ташкил этилган жамоат ташкилотларига фаолият кўрсатишлари учун зарур бўлган хоналарни ажратади ва уларни тозалашни ташкил этади.

Олий таълим муассасаси қошидаги тиббий – санитария муассасасига, шунингдек, унинг ҳудудида жойлашган ёки олий таълим муассасасининг балансида бўлган ҳамда талаба, тингловчи ва ходимларга хизмат кўрсатувчи ошхона ва бошқа умумий овқатланиш муассасаларига иситиш, ёритиш ва сув таъминоти билан таъминланган хоналар ажратилади.

Олий таълим муассасасининг тегишли биноларини таъмирлаш, реконструкция қилиш ёки янгиларини қуриш, уларни молиявий таъминоти қонунчиликда белгиланган тартибда амалга оширилади.

## **VII. Халқаро ҳамкорлик**

49. Наманган муҳандислик-қурилиш институти Ўзбекистон Республикаси “Таълим тўғрисида”ги Қонунининг 33-моддасига мувофиқ таълим муаммолари юзасидан халқаро ҳамкорлигида иштирок этадилар, чет давлатларининг тегишли ўқув юртлари билан бевосита алоқаларни ўрнатиш, қонун ҳужжатларида белгиланган тартибда улар билан қўшма ўқув юртлари ташкил этиш ҳуқуқига эга.

Чет эл фуқароларини тайёрлаш, қайта тайёрлаш ва уларнинг малакасини ошириш, таълим муассасаси илмий-педагогик ходимларининг Ўзбекистон Республикаси ҳудудидан ташқарида ўқитувчилик ва илмий-тадқиқотчилик ишлари, давлатлараро органининг хорижий давлатларнинг таълимни бошқариш бўйича тегишли органлари орасидаги шартномалар, шунингдек, Наманган муҳандислик-қурилиш институтининг қонунчиликка мувофиқ чет эл фуқаролари ва хорижий юридик шахслар билан бевосита тузган шартномалари асосида амалга оширилади.

50. Наманган муҳандислик-қурилиш институти қуйидаги ҳуқуқларга эга:

- Ўзбекистон Республикасининг халқаро шартномалари деб қаралиши мумкин бўлмаган, хорижий шериклар билан ҳамкорликдаги фаолият тўғрисида шартномалар тузиш;

Хорижий шериклар иштирокида олий таълим муассасасининг таркибий бўлинмалари (марказлар, лабораториялар, техник саройлар ва бошқа бўлинмалар)ни қонунчиликда кўзда тутилган тартибда ташкил этиш.

51. Наманган муҳандислик-қурилиш институти Ўзбекистон Республикасининг қонунчилигига мувофиқ ушбу Уставда назарда тутилган ва “Таълим тўғрисида”ги қонуни ҳамда “Кадрлар тайёрлаш миллий дастури”да белгиланган вазифаларни бажаришга, шунингдек, халқаро алоқаларни ривожлантиришга йўналтирилган ташқи иқтисодий фаолият билан шуғулланиш ҳуқуқига эга.

52. Наманган муҳандислик-қурилиш институтнинг ташқи иқтисодий фаолиятдан тушган валюта, моддий тушумлари қонунчиликка биноан Уставида белгиланган фаолиятини таъминлаш учун ишлатилади.

### **VIII. Якуний қоидалар**

53. Наманган муҳандислик-қурилиш институти Ўзбекистон Республикасининг қонунчилигида белгиланган тартибда қуйидагиларга жавоб беради:

- унинг ваколатли киритилган вазифаларни бажарилмаганлиги;
- таълим жараёнида ўқув режа ва жадалларга мувофиқ таълим дастурлари ҳажмини тўлиқ бажарилмаганлиги;
- таълим жараёни вақтида олий таълим муассасасида таълим олувчилар ва ходимларнинг ҳаёти ва соғлиғи;
- таълим олувчилар ва олий таълим муассасаси ходимларининг ҳуқуқ ва эркинликлари бузилганлиги;
- Ўзбекистон Республикасининг қонунчилигида назарда тутилган бошқа хатти-ҳаракатлар.

54. Наманган муҳандислик-қурилиш институтини Ўзбекистон Республикаси қонунчилигига мувофиқ Ўзбекистон Республикаси Вазирлар Маҳкамаси томонидан белгиланган тартиб асосида қайта ташкил қилиниши ёки тугалланиши мумкин.

55. Наманган муҳандислик-қурилиш институти Устави Олий ва ўрта махсус таълим вазирлиги томонидан тасдиқланиб, ўрнатилган тартибда давлат рўйхатидан ўтказилади ва кучга киритилади.

Уставга ўзгартириш ёки қўшимчалар киритиш белгиланган тартибда амалга оширилади.

Институтнинг илмий  
кенгаш йиғилишининг 2017 йил \_\_\_\_\_ сонли  
Баённомаси билан тасдиқланган.

**Ректор**

**Ш.Ш.Кенжабоев**